

Wiener Stadt-Bibliothek.

E.K.

75670 A

x 6138

Des Turcken Erschreckz

liche belagerung/ vnd Abschieds  
der Stat Wien.

1529.



3. F. A.

4

# Des Turken belegerung der Stat

Wien / ynn dem . 29 . iar / angefangen am  
xxi . tag Septembris .

*ptember*  
**A** **D** Ein vnd zventzigesten  
tag Septembris hat der Türck die Stat  
Wien mit grossen hauffen berennen lassen  
vnd etlich zelt bey Sanct Marx auff schla-  
gen lassen .

Am . xxij . dis monats / hat man alle Vorstet ver-  
lassen vnd mit ferner angestossen .

Am . 23 . tag dis monats / Sind ein grosse menig  
der Classern Schiff bis ynn die . 4 . hundert derselben  
schiff an die Thunaw kommen / haben den Taber ver-  
rent / die prucken abgeworffen / vns allen vorrath zu der  
prucken verwüst .

Am . 24 . tage / haben sich die Janischar ynn die . 7 .  
tausent starck / lauter püchssen schützen / ynn die vorstat  
bey dem Karner thor / hart an die maur gelegt / vnd ge-  
schanzt . Die selben haben von obbestimptē tag / bis auff  
den . 15 . tag Octobris / weder tag noch nacht / mit handt-  
rorn / Hoeken / Salckeneten vnd andern grossen geschütz  
auffgehört / Also das man meinet / das keiner vnter ihnen  
sey / er sey des tags auff drey schüss / vnd nachts auff's we-  
nigst auff zwen kommen . Haben sich auff dem Karner  
thor vnd Rinckmaur an viel orten heimlich zu vntergra-  
ben / vnd mit puluer zufellen gewaltiglich vnd grausam-  
lich vnterstanden .

Am . 28 . tag dis monats / Hat der Türck die Stat  
geringstumb belegert / angefangen bey Sanct Marx hin-  
tersich / nachder lenge bis an das wasser Schwechat ge-  
nant / als viel man sehen hat mögen / Vnd nach der preis-  
te zu

te zurings vmb die stat/ bis ynn die. 16. leger geschlagen/ von Sanct Marx an bis an den Wiener pergk/ von dannen an gen Sanct Ulrich bis an die Thunaw. Vnd die Classern haben sich bey Tusdorff vnter dem Kalnperg auff den reyn gelagert.

Also ist die Stat auff wasser vnd landt belagert gewesen/ vnd sollen/ nach allem anzeigen der gefangnen Türcken/ des Türcken macht gewesen seyn / zu Ros ver soldtes volcks / Hundert tausent. 20. tausent tapfferer gerüster man. Vnd Sieben tausent Janischer püchsen schützen. Vnd vierhundert schiff Classern/ darauff sechs tausent man. On alles gemeins sus volcks / so sonst auff sein selbst kosten vnd genötter weis mit gezogen ist / das man auch ob vierzig tausent scharzt.

Am. 27. tag haben die Türcken vier einspennig Knecht so sie vormals gefangen / widder ledig gelassen / ynn die stat geschickt/ vnd yedem drey vngerisch gulden geben/ vnd yhn beuolhen/ den hauptleuten anzuzeigen / das sie die stat sollen auff geben/ denn man sehe alda die gros macht vor augen/ der man nicht widdersten könne / Wo nicht/ wöll er an Sanct Michels tag ynn der stat das frümäl essen.

Also hat der Türck die stat bis auff den. 9. tag Octobris hefftiglich mit schieffen/ graben vnd sprengen/ tag vnd nacht on vnterlas geengstet.

Am. 9. tag hat der Türck die mawr ob des Karnerstor gegen Sanct Claren vber/ an zweyen ortten mit puluer angesprengt/ das ein yzliches loch/ bis. 24. Knecht ynn der ordnung hinein leuffen mögen / haben den sturm hefftiglich angeloffen/ sind aber mit Gottis hilff abgetrieben worden. An dem selben ort sind zuorderst gestanden ynn der ordnung Graff Niclas von Salm/ als oberster Stathalter vnd Regent der Lüdder Osterreichische

enlanden/ herr Hans Balgainer / vnd ander treffent-  
che leut/ sampt vier feinlin knecht so da selbsthin verord-  
net gewesen/ vnd die Steyrischen vnd Karanischen bey  
den gehalten. Vnd hat der sturm angeferlich ein stundt  
gewert. Also ist man ynn der ordnung tag vnd nacht bis  
auff den .ii. tag beliben/ vnd wenig Rhue gehabt.

Am .ii. tag frue hat der Türck zum andern mal die  
Kincf maur vnter dem Karner thor von einander zers-  
sprengt vnd ein gros loch darein geworffen.

Zum dritten mal den Sturm angeloffen / aber  
durch den willen Gottis abgetriben. An dem selben  
sturm sind etlich Spanier blieben/ vnd ist ein iunger Gra-  
ue von Otting von dem feuerwerck / so er hinaus wolt  
werffen/ vast beschedigt worden. Vor diesem loch sind  
ynn ordnung gestanden / Herr Wilhelm von Rogen-  
dorff/ Herr Eck von Reisch/ etlich vom Adel / sampt .4.  
feinlin knecht / etlich raissigen / vnd Spanier.

Am .12. tag hat der Türck zwischen .8/ vnd .9. vrn /  
die maur vnter dem Karner thor / ynn des von Reisch  
quartir zersprengt / abermals den Sturm angeloffen /  
doch nichts ausgericht. Aber menigklich bis auff den  
abent ynn der ordnung gestanden. Hat der Türck aber-  
mal die maur ob dem Karner thor / zwischen beiden löch-  
ern / so vormal eingeworffen / krefftiglich zersprengt / al-  
so das die Hawer / hauptleut vnd regenten / so da selbst  
gestanden / nicht anders denn das sie verschüt seyen / sol-  
len gedacht haben. Alda sind etlich knecht umbkomen /  
vier knecht sind mit der maur in graben gefallen / darvon  
einer verdorben / die andern widderumb vber die maur  
herein geloffen. Daselbst ist der Sturm hefftigklich ange-  
lossen worden / vnd die Türcken mit gewalt abgetrieben  
worden. Auch sind viel grosser schüs ynn die stat gesche-  
hen / aber sie sind mit Gottes hilff abgetrieben worden /  
vnd ist menigklich diese nacht / wie ander nacht / auff dem  
platz bliben.

Am. 13. tag hat der Türck sein volck gewaltiglich mit seibeln vnd kolben getrieben an den sturm / sind mit yhren hauffen vnter der verprenten mawrn ynn der Vorstat lang gestanden / hefftiglich geschossen / das niemandt anders gemeint / denn die mawr werd abermal fallen / derhalben wir mit grossen sorgen ynn der ordnung gestanden / doch sind die veindt entlich vngestürmet abgezogen.

Am. 14. tag / als bald es tag worden / hat man von allen ortten aus des Türcken geleger / gerings umb die Stat gros hauffen schen umbzihen / vnd sich ynn die vorstat belegert / vnd zum sturm zugericht / das man sich nicht anders versehen / denn es werdt ein gewaltiger sturm geschehen / Als wir vns ynn der Stat darnach gericht / vnd des ynn dem namen Gottes erwarten wolten / hat es Gott abgewendt / vnd der veindt vngestürmt abgezogen.

Gegen dem abent ist abermal ein ort ynn des von Reisch quartir vnter dem Karner thor zersprengt / ein sturm angeloffen / aber sind dismals wol abgetrieben worden. Also sind ynn der nacht zwischen . 10 . vnd . 11 . vrn / vor mitternacht / die Janischer ynn der vorstat auffgebrochen / vnd ihr geleger abgefördert / vnd die Schantz geraumbt vnd sind also abgezogen.

Am. 15. tage / Sind die Türcken inn grossen hauffen umb die stat hin vnd widder gerent / vnd die leger ob dem leger bey Sanct Ulrich gegen dem Kalenberg geraumbt / vnd die Tassern sind auch abgezogen.

Am. 16. tag / ist des Kaisers heer / sampt des Emserin Wascha vnd andern auffgeprochen / vnd abgezogen / haben all yhr leger verprant / vnd ein grosse anzal Christlichs volcks mit yhnen hinweg gefurt. Gott sey es zuerbarmen vnd befolhen.

Der diese schrifft gemacht / hat kurz abbrochen / denn es viel ernstlicher vnd grausamlicher ergangen ist.

## Abschied des Turckens.<sup>1</sup>

Am Andern tag sind die Obersten sambt den obersten Veltmarschalch auff dem wasser gen Wien geruckt / daselbst zu befinden wie man hausgehalten habe .

Der Turck hat kein gewaltigs geschütz für Wien gebracht / Allein ein feltgeschütz gehabt / da mit er inn die stat geschossen / Etliche sagen / er habe es zu Offen gelassen / Etliche / es sey ihm ersenfft von denen zu Brespurg / Etliche machen die rechnung er habe entlich gehofft Wien zu vbereilen / vnd da selbs so viel geschütz zufinden das er damit wol gefast sein wolt / wie denn gewislich geschehen were / hat sein handlung denn mehern teil zu graben vnd sprengen gericht / Die Vorstet sind giftig gewesen / wie wol sie abgebrant / sind es doch alles mauren / Darcin haben sie sich gelegt / Kleine locher gebrochen / das einer das rhor kundt hinaus bringen / vnd dar aus ein abschen kundt haben / Der selben Schutzen mit halben hoken / hat er bey . 12000 . gehabt / die tag vnd nacht an auff hören zu denen auff der mauren schossen / das sich keiner hat dürffen sehen lassen / wo sich einer hat lassen sehen / ist er auff das nechst gebirgt worden / haben ihnen auch etliche zuvor auff der mauren daraus sie sich gewert haben abgebrant / mit denen haben sie den vnsern die wehr genommen / das sie sich von der mauren nichts weren kunden / haben die Turcken zwischen den angefangen zugraben mit einer solchen erbeit / die einen Berck werck zu vergleichen were / Auch die Vorstat allenthalben mit vordeckten lochern zugericht / ob die vnsern hinaus wolten / das sie ihnen darob hetten konnen zwacken / Haben an etlichen orten den graben gefullet / Da mit der hauff het hinein mogen dringen / an etlichen orten die mauren zur sprengt / an etlichen orten vnterstunden sie sich

sie sich die zu fellen / vnd grosse locher darein gegraben /  
vnd wie wol die vnsern locher gebrochen haben heraus  
zu schiffen mit Falkenctlein / so haben doch die Turcken  
nu an den selbigen lochern so grossen trang mit schiffen  
vnd stechen gethan / das sie das geschutz nicht haben kon-  
nen gebrauchen / vnd die selbigen mit muhe widderumb  
verschantz / Also das ein newer storm entstanden  
ist / Nemlich wie die knecht sagen vnter der erden / Man  
durff kein geschutz mehr / Ich wolt gerne das etliche mei-  
ne Herrn das alles sehen solten / Ich glawb auch nicht  
das man mirs an eine solche arbeit bringen kunde / Ist  
nicht zubeschreiben .

Weil man den vnsern die were hinaus genomen /  
haben sie in der mawrn ein new bolwerck zugericht / auff  
diese meinung / Wo die Turcken gleich vber die mawr ka-  
men / das sie ersten in einen graben gemust haben / von  
dannen das selbe bolwerck gewinnen / haben die selbigen  
heuser geringstumb zurissen / haben grosse schuet gemacht  
vnd sie da entpfahen wollen / das haben die Turcken  
vernomen / vnd sie sich nicht hinein begeben wollen / so  
ist auff einem Turm odder zweyen / wenn sie den sturm  
angelauffen vnd widder gewichen / mit dem grossen ge-  
schutz in ihre ordnung geschossen worden / sonst ist kein  
streich do gewesen / Aus dem geschach / das die schelmen  
verzagt worden / vnd nicht hinein gewolt / wie man denn  
allenthalben gesehen / das grosse hauffen mit prugel vnd  
seubel zum sturm getrieben / wenn ein hauff getrieben ist  
worden / hat der ander die flucht geben. Die Turcken ha-  
ben etlich viel tausent pfeil hinein geschossen / vermeint  
die knecht da mit von dem lager vnd mawrn zu dringen /  
Aber ich hore nicht das sie schaden da mit gethan haben  
es stecken kirchen vnd heuser vol / an etlichen ist gehangen  
ein seklein mit puluer darunter ein zoch zum anzunden  
aber nichts ist damit geschafft. Die

Die vnsern haben das feuer vbel gefurcht / sind etliche alhie geuertelt worden die haben bekant / das ihr zwölff vom Türcken bestellt gewesen. 24. feur zu machen / Mit dem wolt der Türck die stat an allen orten angelauffen haben / aber Gott hat es vorkumen / Die vnsern haben die heuser an der mauren herab allenthalben auffgedeckt / verbrennen izt das selb zymmer / Wo man lang do sein solt / so mussten mehr heuser her halten / denn wirfelt halben grossen mangel an holtz haben würdē. Die vnsern sind an einem tage hinaus gefallen etwan mit zwölff fenlin ynn einer eng da funff ynn der ordnung gegangen en / die haben die Türcken vn sauber. empfangen / haben die vortersten vor den hindersten nicht weichen können / Also stehn vnd zu sich schiessen müssen lassen / Der Heupman Daubentantz ist im vorzug gewesen / der hat hart zu gesezt / viel erlicher gesellen vom adel verloren / wie man izt sagt / es ist nicht ein guter anschlag gewest vnd vbel bedacht worden.

Der Türck ist zween tag an einander abgezogen / hat gros hauffen darob halten lassen / vnd wie aller kunt schaffer laut ist / sein sach allein auff einer schlacht gestanden / die ehr gern gethan het. Der Weida hat yhm angezeigt das Reich werd yhm kein hilff thun / es sind ihm viel Fursten vnd stend feind / Der halben ehr verlassen sein wird / so er aber izund sieht / das man daher zeucht ist offentlich / das ihm alle sache vorraten werden / besorge velleicht man hinterzihet ihn / darumb er darvon ruckt / wie wol man sagt der Weida habe ihm entbotten abzu ziehen / er finde nur nabet Lanzknecht.

Wir haben zu Brems einen Bayern von Otting der hat den hauffen so gebrant haben gefurt / auch sonst mit etlichen Deutschen die in der gegent vnd vorreter gewest vn sauber gehandelt.

Gestern sind etliche vor sich bis inn. 1000. pferdt hinaus

naus geruckt ob sich jemand vorspat hatte / aber sind vn  
geschafft widder heim komen / begeben sich vielleicht  
nicht gern zu weit / aber vnser Hussern nicht gar hundert /  
sind hinder ein roth die mit blundern / vber die purg zu ih  
rem lager zu zogen / komē / Die selben / wie sie sagen / haben  
viel ros bracht / gleich wol haben sie auch hart müssen zu  
setzen / denn sie vnfarber zuhawen komē / brachten . 3. klei  
ne kinde mit ihn / das ein lag in einer multern / es solt ein  
steinern hertz darob brechen / ob der Tyrannischen hande  
lung die sie vben / Sie haben etliche kinder an die Fein  
gespist / etliche gebraten / verhoff Gott sol es nicht vnges  
rochen lassen .

hent sind die Reysingen vnd zwey fenlen widder  
hinaus / nicht weis ich was sie schaffen werden / Die Tur  
cken sind weit von himen / zeucht ein hauff nach dem and  
ern / vnd haben die obersten Kuntschaffer drey mit  
bragt vnd sonst / Das der Turck auff Vngern ruck / vnd  
willens sey sich gen Offen zulagern / vnd auff den Sum  
mer widder zu komen . Er helts der massen / das wes  
nig kuntschaff von ihm komen mügen / vnd gehet alle  
sein handlung zu das man spuren mus / das er ein frigs  
man / vnd das er geschickt leut vmb ihn haben mus / was  
man hie gehandelt hat / ist ihm alles vorraten worden /  
vnd ist die verretterey so gros da gewesen / das es ein baw  
er hat mercken müssen . Der Turck hat etwan tausent  
weiber gefangen gehabt do er itze auffgebrochen ist / hat  
er sie zerhawen lassen / auch bauern vnd Pfaffen die er  
gefangen gehalten / da er sein geleger angezunde / hat er  
sie ins sewer geworffen / verbrent vnd zurhawen / So im  
ab zugck zu beiden seitten / alles das er antompt / furt ein  
mergliche gefangen volck mit / Ich habe einen knecht zu  
Offen gelassen / des Osterbergers son von Turnberg /  
mit den Hauptleuten verhort / sagt er sey in Offen gele  
B . gen da

gen da es der Turck erobert hat/haben ihnen wol geleich  
zugesagt/vnd sie zihen wollen lassen / als sie aber heraus  
komen sein/habe er dem bestē hauptman den kopff lassen  
abschlahen/vnd den knechten die were abreden lassen /  
sie volgents veriaht das ihr etwan nart bey . 40 . danon  
kamen / Der hiegen burger sind etwan. 6000. gemustert/  
aber izt sind man nicht. 1000. sind alle entlauffen/ es leide  
viel guts hie/die knecht woltē geren dran/aber es ist noch  
hoch verbotten/ So teilt man wein vnd brot ordentlich  
aus des ist gnug / vnd so vberfluffigen wein / das der  
Turck ein halb iar trinckens halben nichts het mangelt  
mügen/ die knechte schreien nach gelt / fordern . 4 . sturm  
sold / Ich versche mich es werde nicht geschieden/ halt  
aber sie werden sich an einem benugen lassen zu der pra  
uant die sie gehabt/also das es nur an gelt fehlt/Von vn  
sern gesind finde ich die bede haubtleut bede Fenderich  
vnd andere gesellen/die haubtleut halten viel vom Stra  
mer / der Erst Turck ist auff der mauren bey ihm hinauff  
komen/hat er ihn gefragt was er wol / er sol sich heben /  
vnd auff ihn weidlich zugeschlagen .

Was die Turcken von vnsern knechten erobern / la  
ssen sie den negsten die köpffe abhawen/ligen viel corper  
an köpff da/ die man izt begrebt/ Aber die Turcken sind  
verzaget das man keinen sicht/denn allein gestern haben  
die knecht drey an einem strick vnter die erden vergraben  
herfurgezogen .

Der von Bernstein ist nechten komen/bringt. 20000  
zu fus/vnd . 1500 . Reifigen aus Merern / die Behem  
ziehen . 50000 . starck / Die Fursten von Beyren schrei  
ben das sie mit . 20000 . starck komen wollen / So ist auff  
der Tunaw das von der Etsch/ auch von den stetten ans  
komen/ auch zu Krems vnd daherumb / das ich gesehen  
hab . 10000 . man / Es sol heint Herzog Friderich her  
komen


Komen/ werden sie Radtschlagen ob man ferner hinach  
ziehen odder was man thuen wil / was euch zutregt sol  
euch vnuerhalten bleiben. Des Turcken oberster Eme  
rich Wascha/ hat vns ein Sendrigh abgedrungen/ in das  
lager gefurt ihme grosse ehre gethan/ der ist komen/ was  
er sagt/ wil ich euch schreiben/ Datum Wien . 20 . Octob  
bris/ Amen .


Der Turck hat vber Neunzig tausent menschen / die  
aus Wien/ Presburck/ Aldenburck/ vnd andern vmbli  
genden Stetten vnd Flecken/ geflogen im Wiener waldt  
ereilet/ mit weib vnd kindern erwurget .

Er hat funff langknecht aus der besetzung / auff  
einem schermuzel vor der stat wien/ vnter andern gefan  
gen/ die selbigen hübsch inn Sammat gekleidt / vnd yho  
nen widderumb zu gesandt/ mit befehl/ das sie ihren ober  
sten anzeigen solten/ Die Stat Wien zuübergeben/ wolt  
er sie leibs vnd guts sichern / vnd darvon komen las  
ssen/ Haben sie ihme widderumb/ bey ezlichen Turcken /  
so sie auch gefangen enthalten/ vnd der gleichen in sam  
mat gekleidet/ entpotten/ das sie nicht vorreter vnd böss  
wichte an ihrem Könige werden wolten / Sondern die  
stat als lang sie das leben hetten auff halten / das er sich  
zu ihnen vorsehen solt .

Darüber hat der Oberste/ im namen des Turckisch  
en Keissers/ mit ihnen sprach gehalten/ das er das abent  
mal mit ihne halten wolt / haben sie geantwort / wolten  
ein essen dester mehr zusetzen / das sie ihne gutlich thün  
mochten/ die weil er ein grosser herr were/ darauff  
er sein volck noch teglich mehret/ in willen et  
was der stat/ mit einer gewalt abzubrechen.







*Faint, illegible handwriting at the top of the page.*

